

仲蔚先生集

仲蔚先生集卷之十一

吳郡俞允文著

記

遊馬鞍山記

崐古婁縣縣之山馬鞍艮次形膝腕麗不類土
俗敢驕者華歲向春鄉里通衢之人闔戶以往
才彘強梁嚴以相膝窮獨貧賤賴以為目當其
時人有羸者矮者癡者瘡者跛者羶者口嚙者
疥癬者聾者耳偏枯者眇者瞎者矐矐者牙黃

者峻類者髯如施朱者肥豕腹者韋條長者鼻
輓削不羸身穢者口耳缺者廣頰突脊項禿疑
鬢者首縮而足屈唇掀而齒豁者面五色县千
恠萬象或數疾而同一人或數人而同一疾如
是之人老幼男女蜩集蟻擁或羣而嬉或列而
行或拔距走輶或張春恭輔或喜相奔逐或怒
相搏擊或提盟挈盂絡盛壺餐或邂逅交游扳
連而往或握手適舊或倚樹歌咏或乘興而至
興盡而歸或興盡而歸援之而止或以事牽道

經而游或以遊至事牽而返或戲譁人貌或滑
稽射遠或恃勇乘危或反接特行或喘或溺或
嘯或笑或坐或卧或俯而僂或揖而讓如是之
人不可殫狀山行郊游巷集道隘當其時人有
鮮好衣服張蓋擁衛瞋目呾唾擬于王公伎童
雋妓曜色增態挽袂憑肩迎風掩笑千聲百氣
弄影驕豔袍鼓擬金鳴絲擊筑羣呼聚飲列炬
而還如是者才豪強梁也翠鬣金璫朱衣華裳
拂擊目睛五色並輝足若蓮瓣輕盈點石刺莠

鈎蘿丹碧支裏數步之內香澤啞人左右侍女
前呼後應人莫敢仰坐口評論如是者皆才豪
強梁家也夾道驩呼笑罵騰踊率然之間目不
及張遺簪墮珥破襟絕襦婦女鬟髮彷徨無立
日落神沮垂首歛色如是者男女交錯也其侶
聞之莫不蒙羞疾行自謂至此死有餘恨乃今
屏跡然猶有不畏者牽引乘攜左顧右盼晏然
故道迷復環視肢體皤腰胛若束芻髻禿頰解
濯衣服故舊不相掩覆解衣市物且嚼且行

如是者鄉里貧賤也牲酒羅列揖跪拜立但恨
無地先後卜祝吉者欣然凶者復續灌酒謝神
馬者圓立禱頌唱至盆盂高下一人迴旋莫可指
画如是者歲昔廟祭也牛牽馬驅鬚斷行隊恃
力扛石從事野燒競走益薪超烈越燭爭呂為
能如是者牧豎也數十百人攢一短褐閉目將
顛搖首譖舌語言若注不喫一字解衣散錢者
為王公娼佛諸天者為馬牛愚頑無知憑依若
神如是者浮屠也由席然舍圖形繪象氣人機

夫極口稱道其狀與浮屠等者皆墨士望氣人
也無賴男子駢肩累足衆口交唱一省之內山
崩谷沸反走却避豁然成路如是者毬擊也白
眼娼罵足蹙不前偃臥隨道者游人醉也黃衣
搗緇尼僧道士也幅巾厭襖武藝術人也屠酤
酒肆星紛豆貯乘軒弛檐植然梗道百色之人
莫不投業爲盛事人聲鳥禽相和烟日風火
森發續續紛紛文文章章具一省觀豈不偉哉
俞子往觀而嘆曰韓子云脉病而肥者死今之

天下疲瘵殘疾號哭孤苦破衣救屢盜無斗粟
日暮無食談笑自若數千百人罕有出此皆沿
習成俗猶故驕奢華是亦脉病而肥者也何豪
貴豐顯作一大官以囊橐計而視以為樂悲夫
泠然亭記

汝南周君年既植嘉卉珍木於園中中為樓館
亭池使相映帶而亭西之隙又種竹數百个其
竹脩然林林宗生簡蓁竦直特揭天表其節落
落踈淨如含新霜如新解籜其影擅樂園池水

中顛倒上下與它影相涉重重如畫雪封其枝
月漱其根自樓中望之又滿若翠羽沉霧攢青
控白汎濫不止余以為園之勝皆鍾于是竹而
名年以為時當大火炎雲高叱黃神喟吟於裂
霄黑蟬襲匿于重潤辟猶大鑪烘灼靡屈不爍
垢汗沐體悒悒不怡而遂之竹所偃息其下仰
視高葉密若編芙蕖霽雲布跡于厚陰欲目光
不得而獨有風冷然從之不覺體便意適煩紆
為之解朝醒為之析而遊于清涼之區也是竹

于盛夏有知益焉因復為亭居之名之曰泠然
云其亭方不盈丈而欄檻周施可列坐五六人
屬余為記將刻石而臨之壁間若年好讀書為
文有奇思今稍出其奇于一事之微遂能忘地
之隘移天之時而不羨夫淇園之廣山陰之奧
也其事之美不可以不記

九龍山居記

出無錫北門行五六里有山曰惠山其形有蜿蜒
起伏之勢故又謂之九龍云山亦不甚峭拔

而其下長松茂林蒼蔚葱菁蕭若積黛遠望疑
不可入山腹吐乳泉不見其流而石池涓涓日
數百人汲之不竭尤甘冽能使茶味良即陸羽
茶經所謂第二泉者也尤料野為山居其麓乃
得據山之奇勢取居之中為堂五楹而堂之左
為崇閣其後為精舍居之隙復為亭榭而又申
之以竹木浮之以陂池經緯合折繚轉相屬或
高敞而舒或奧密而幽可以臨觀可以游棲入
其室則翠嶺白雲殊秀清溢時隨几席間真足

以娛目暢心眇然與造化者爭鶩於埃壚之表
而不知其居是室也昔謝靈運述山居之美麗
而事過於煩仲長統徒有願言而卒無以副之
今林野實有其勝而無過煩之累斯居之善者
也且林野先世宋禮部尚書文簡公者名重當
代自稱遂初先生嘗為堂讀書山中已遠不可
考林野追景世德悼前之遺乃復署其所居堂
曰遂初茲不特專事乎游觀而已林野聞達有
雄志嗜古博學方復潛精於此以弘詣其極而

致其大用於世此亦豈耕野久居之地耶耕野
書來請志於石故志之

西野書屋記

休寧有連山連山之中拔起而潏秀者曰岐岐
之西有璜琅二川之水折而合流曰汭口其地
風氣鬱茂清潏程子行氏家焉稍去其家之西
地益勝而野延眈連山則峻嶒峭壁攢青接翠
出於天標又如高濤恠雲奔湊蹙背靡有斷絕
昔子行之先子汝義喜茲地之勝遂滌薈薺剗

硤确決沮洳使就夷曠為屋數十楹以藏九流
之書命之曰西野書屋其前清池漣淪瑩玉
潔池之外匝以平疇果園其後古松千章其傍
脩竹萬个昏旦與連山一色氣候變狀雖善画
者莫能悉其變也不遠舊廬別出新賞人品罕
雜囂塵不來而汝義時讀書偃息其中間嘗為
詩歌以摠遐思發沉滯求六義之所歸余雖未
識汝義汝義其賢者歟汝義沒後二十年予行
懼屋久傾隨時為飭而新之而乞余為記以述

命何景先先生集卷三十一
先德必使傳遠若子行而豈不謂之賢乎余聞
程氏自唐都使湮當黃巢之亂集衆拒守始徙
家汭上迄今三十餘世子孫益蕃衍而多賢今
觀子行父子其不信然我遂爲之記

何蔚先生集卷之十二

吳郡俞允文著

傳

何公傳

公名正緒字克承姓何氏其先閩人宋時徙會
昌白埠家焉公仁厚襟直喜立名節公歿季弟
正約甫十歲伯兄正纓有遺孤亦尚髫髻公憐
之力為撫育友愛備至比壯任事乃悉出其遺
產及所嘗自致貲財殆以萬計各令自裁取不

私一錢親舊有急輒復相為假貸年五十時虜
數犯境公輸粟餉邊詔特嘉之賜以冠服能退
讓以彰義聲公家世稱右姓然夙遭閔凶公身
自持其家日夜籌策益拓其產起富而恂恂脩
飭不欲隨世俗競為侈靡邑令高其行召以鄉
飲亦固辭不赴會昌介閩粵東鄙積阻多盜賊
往往負毒弩竄伏林嶺間公嘗被掠盜驚謂曰
吾聞此公素長者釋之其累行積德雖至暴能
感服如此生乎雅嗜泉壑邑中有蒲帝嶺景膝

因自號少巖以寄其志又曰東南海中有三神山其上有碧巖故云年七十四終公儒人同邑小田劉氏邑南行八十里曰湘鄉有九田之屬川谷平行居多巨族而小田劉氏為著以故孺人婉孌端慎宗族並仰其儀範子三人泮湧渭渭明經以學官弟子負為國子生授崑山丞廬敏有幹略稱能吏焉贊曰何公負義助官分財昆弟奮氣立行不徼名聲而其子渭為丞崑山吏民敬愛好揚其父之名卒使士大夫數千里

外無不知公所謂避名而名我隨豈不賢哉詩
曰豈弟君子四方為則斯之謂矣

周公傳

公名夢山字思仁更字維岳姓周氏蘇州崑山
人也為人質厚內敏不肯矯飾異衆強記博覽
經緯百家之書為文浩汗橫發罕切切繩墨而
自能致美初父震為御史鯁直忤權貴出為浙
江按察僉事公時年最少同官子弟多長與偕
談話獨絕出不類咸共嗟嘆以為不及後以諸

生院試藉、有聲名次應餽廩公意丈夫俯手
取一第此不足為也輟以讓貧者同縣吳公中
英高流也慷慨弘辨薰動一時於廣衆中必引
公以為重年近五十同學生才望遠出公下率
至貴仕而公尚濩落恥守敝冠履與青衿躑躅
黌校間有子三人曰之程之稼之穆之程之稼
已補諸生而公遂棄去放志區外賦詩自適時
過親舊飲酒必數斗霑醉乃去雄奮髯大笑而
不使酒然不善治產晚歲家貧屏居馬鞍山陽

日耽誦浮屠老子言以為西歸津梁益與世泊如也公性尤篤友愛父沒仲弟不勝繫徯公代為之撫幼弟妹如已子從姪後升少孤公為檢誨備悉後舉進士官至金華太守終不自言其德以此世皆稱為長者隆慶元年卒時年六十有二

俞子曰余與公善餘四十年公恬惓不附世榮日嘿々手自讐校其書數百千卷以至沒齒良亦勤矣而卒不得少著見於時諺曰力田不如

逢年此士之所以不遇於世豈盡人力也哉
夫

南唐臨淄侯歛石虛中傳

石虛中者歛人也為人端厚堅密其先周時太公望與九人者佐武王定天下而石氏甚有功太公因為詞戒之曰石墨相著而墨邪心讒言無得汙白遂著之金匱之書以箴焉周末有與中山毛氏者贊孔子作春秋春秋成而毛氏去唯石氏孔子歿後猶留居廟中世由是咸推石氏而石氏族亦寡衍其在端歛者最有聲歛又為最值上無好文者浸遠跡當世唐開元中歛

屬縣有獵者逐兔至長城里遇石氏於巖穴間
甚器異之歸以告令而世復知有石氏其後南
唐據有江淮歙郡太守始以虛中薦虛中為文
有符彩好著綠縠單衣然在山澤久於國家制
度罕合乃使其客李少微與之礱磨焉虛中為
砭然變色客曰吾聞玉生於山制則破焉非弗
寶貴矣然大璞不完君殆若此者乎虛中既至
京師上聞之喜曰重客至矣召見祕殿虛中伸
眉詣前直披腹心隨所任使意津々有以自得

也尋拜即墨大夫而絳人陳玄中山毛穎會稽
褚知白三人者皆已用事虛中與三人者未嘗
去上左右而後主尤留意文學寵至特至號為
四絕天下亦謂之四友無何三人者相繼物故
子孫以父祖積勞復見召用虛中老臣與後進
雜處每嬰拂逆蒙渙沁心頗銜之一日上書備
客為撰草其略曰臣本伏產巖窟甘守鈍樸其
地當連山蜿蜒狀象龍尾因號稱龍尾石氏而
道險僻絕鮮與世通不圖卒遇林虞轉偏州部

謬得躋金門上玉堂承清燕荷陛下之殊渥遽
令發藻濡翰以吐宵中之奇臣時誠離割裂不
敢以尸素自恚今臣已老敝又苦消渴疾膚剥
角摧形色悴沮恐旦暮填溝壑不知瓦礫混體
乎初臣與玄穎知白同忝供奉而臣實為劣今
三人者忽並淪謝而臣獨碌々自以為有磐石
之固老不知退塵毀之來嗟何及矣誠得還歸
本土長保骸骨臣不勝至願書上上笑曰虛中
生平無一言昔石言於晉石果能言邪愈益重

虛中詔遣中涓給尚方金壹漿可療疾者并賜
休沐封臨淄侯唐臣後去民間十餘年莫知所
在宋興多有言虛中者子孫咸至融顯矣贊曰
漢石奮父子皆以端厚不言躬行見重其主虛
中含玄養潤而臨事察々無脂韋之態豈其苗
裔耶司馬遷以石氏為篤行君子虛中近之矣

仲蔚先生集卷之十三

吳郡俞允文著

墓誌銘

己亥周于舜墓誌銘

于舜諱鳳來姓周氏吳郡崑山人也曾祖諱璩
贈資政大夫南京刑部尚書祖諱紹累贈資政
大夫南京刑部尚書父諱倫以進士授新安令
擢監察御史累遷至都御史南京刑部尚書進
階資政大夫贈太子少保謚康僖公有四子鳳

鳴大理丞鳳儀太學生鳳起太僕丞于舜公最
少子也公尤愛之嘉靖初公以都御史嘗巡禦
江南歸鄉里太守郊迎州縣吏相推排擁車騎
出入威采甚盛是時大理丞並有名趾父子頗
尊而都莫與為比而于舜穎敏不待童孩已如
成人雖生而有黼黻梁肉之饒樂非其好也為
太學生即不喜握麈諸生間乃獨依林構堂櫺
軒回環以文本為壁甚精日燕處其中以閑絕
人事罕嘗至其家好釋氏書因取釋氏所謂夢

幻泡影露電為六觀者名其堂自稱六觀居士
悉出其藏數千金購天下奇書圖画及古彝鼎
璜玦之屬合珎怪衆物居之以歛其精英又難
奇香令芬氣馥越茆藁竹間翳翳如輕雲出
山黑日夜不歇游其堂紛雜盡屏眇然長懷有
幽人之想故同郡楊公循吉有當世重名時年
八十餘矣奇譎寡合獨嘆其高雅為綴記其事
人士往往翹企思與之游焉能為五言詩善楷
法多放依趙孟頫通古今名物辨證剖剥有卓

識諸稱洽淡者莫之能析也然醇謹自視常慙
慙飲酒至醉能為莊語人或犯之亦終不以屬
意尤惇行孝悌遇宗黨雖疏而有恩年三十有
三嘉靖三十四年五月十六日以疾卒娶徐氏
先卒繼娶吳江趙氏皆無子側室強氏生子男
一曰汝蓀女一皆幼太僕以濟南監監官廉平
獲遷比歸遂卜以三十六年十一月三十日葬
于舜子縣東南車塘錦里原先塋以徐氏祔焉
先期以其孤來請銘曰吾弟臨歿時嘗有託於

子也。孟子無以俾其有聞鳴呼。夫子舜以貴游
名公子能自出於常習之外。以恬佚為高。而又
汲汲于躬行之實。可謂士林之逸秀者矣。卒以
夭折。而使其賢盡。于是誠為同志者之所痛悼。
不獲辭。乃甄述其休美。為之銘曰。夫既溷溷於
不可徙兮。幼志泚離。若天所啓兮。剝榮以為華。
所貴在己兮。深閑外拒。抗跡自處兮。懷瑜握蘭。
蘊內美兮。行之專專。不逮是恥兮。俾耆老者稱
賢。壽不可喜兮。賢不受年。奇願未止兮。吁其太

息菟又何以身殞聲名垂永邁于先執乎

亡女壙塹誌銘

亡女者予之首女也年五歲而夭生即嗜病遭
予之窮多故故自喜賢於生男擬為詩篇以戲
云女既病益慧語班班增出非平時所引視說
家人私以怪女不敢顯言然病數變日臻乃氣
滿水浮膚衍缺盍以嘉靖十八年八月三十日
後其生二日死遂以其冬十有一月塋先妣尉
府君墓封外東北三十五步刺辭於玄塹辭曰

吁嗟令女含和嫵柔瓊枝翠華秘玩藏幽奄忽
而然飛遁焉求轉屍中野棄而不收關節不任
枯腊伊優令辟為坑蓬顆為丘有桀松柏液銅
膏流寧披重雲靡盡郭周千歲不食變化為芻
哀哉慙慙沉憂

明故鄉貢士梁府君孺人狄氏墓誌銘

孺人諱某姓狄氏考存耕翁諱黻妣虞氏兵部
侍郎諱祥之孫封兵部郎中諱震之女存耕翁
素饒資財而外家又貴孺人為翁最少女愛之

有作府先...
擇壻必名族乃可乃得梁府昭諱九萬其
先元時有諱元德者知岷山州事因藉藉為岷
山人逮今二百餘歲仕官不絕而泉州別駕朝
列公諱純實生府君府君高明行直方與人不
輕合為文藹質而豐於理甚有聲稱工部侍郎
李公克嗣治水吳中聘府君教授其子親往謁
其門傳瑞無與時人莫之比也然卒不遇時以
貢士詣選部客死臨淄道中孺人年十六歸府
君敏惠端嚴能盡婦道事尊嫜孝謹處婦如閭

委曲合禮府君媵婢七人而孺人遇之無嫉妬
之嫌悉平均有恩如母子用是中外推為女憲
孺人舉二子不育諸媵婢皆無子府君死以仲
兄高唐別駕諱鵠次子介為後介為平陽訓
導死平陽生女子五人其三人嫁學弟子朱景
太學生張廷傳縣學弟子張道隆皆夭死其
一人嫁太學生嚴汝賢又早寡今為其妻者且
多病而貧不能以養其母孺人泣曰天乎吾命
之不良乃至是耶遂斥斷葷食日夜哀禮事佛

能出世之煩惱而願生西方者人苟非哀窮戚
之極則無以興妄思嗚呼哀哉嘉靖四十一年
五月十五日竟鬱鬱得疾死享年七十有六子
介娶周氏孫懋允以孺人既死之四年卜四十
四年二月十七日合祔于

之原府君之宅

而請銘於墓石其雖不能文竊惟孺人之賢宜
偕顯融豐其胤嗣萃膺繁祉以光紹其宗而天
之報施咸缺焉是非進憫孺人之潛德若夫悲
哀窮戚之思與死之月日則何以傳後世而妥

神心輒為之銘曰嗚呼孺人懿德是將誕生令
族配合孔良之胡不淑卒逢其殃莫寄其悲願
生西方彼昭昭乎而第蒼蒼曾憐厥靈不俾予
臧歎幾何其憂獨長咨后媼子侯來世之慶

張母鈕孺人墓誌銘

孺人通進張公諱寰之側室也姓鈕氏其先世
淮陰人嘗客遊吳遂為吳人父諱某母許氏初
通進公元配王宜人三十餘無子而祁州府君
惟生通進一人甚憂繼嗣遂擇娶孺人孺人歸

張氏年甫十五又四年遂生子惇慕為公之長
子時祁州府君以為張氏有後矣公妣徐太宜
人与王宜人皆厚愛之府君高才不羈未五十
到官輒自免歸公亦大度鮮可生產而孺人年
少惠敏實能贊理中饋稱賢其太人後公為刑
部時惇慕方齡穉而孺人獨留于家延師教子
嘗夜不寢守其子讀書比公歸惇慕已壯大能
屬文孺人益有力焉且公去位後好遊名山歲
卒數月不歸歸輒賓客踵至其門公有子四人

恒慕與其弟三人更共養公人比之陸賈公年
且老齒危動有齧非溫淳熟軟不能食孺人為
治具極其精腴以為公歡公每過必留止踰期
而更孺人平居布衣躬自紡績每當戶風寒竟
日不解恒慕為張屏風坐側乃反不喜曰惡用
此費為也其織罽即瓶罍敝器不忍棄之處聲
姊間始終無嫌間雖僮奴操之皆有恩某年月
日卒年五十有九子一人即恒慕以某年月日
葬于某字圩之舊墓而乞銘于余余惟孺人為

婦為母皆有儀法其子又退讓而能文能鼓其
母氏之潛德其於公家有累世之厚遂為之銘
曰 婉婉孺人淑慎齊止克合于張摩公胤嗣
奉公之終後公而死載祔于公惟千萬祀

沈孝叔權厝誌

孝姊諱象賢姓沈氏其先山東人也元末世擾
亂徙蘇州之太倉後復徙崐山今為崐山人曾
祖諱祥黑官至四川右叅議祖諱時以進士為
泰和令父諱倫太學生母項氏孝姊生一歲而

喪母十三而喪父獨繼祖母夫人馬氏在孝料
既幼不能家家日已貧稍長乃砥行讀書異自
振拔師事其從兄世科受左氏春秋頗能綜其
終始為文詞婉約有度試補為邑諸生邑令王
公廷盧公字得其文咸加器異而孝科亦自念
取科不難也然每試輒不應指意率率不樂歎
曰吾少無父母即無以自振拔寧復與里中子
逐逐耶遂與同輩浸遠性本嗜酒至是亦斥絕
不食閉門歲餘以嘉靖二十五年九月十九日

竟憤懣病死年三十五妻王氏封禮部郎中時
賜之女三子守愚守謙守
之兄子也守謙為後其從兄同姓聘陸氏二十
九年九月十九日權厝湓浦間字圩先塋從
兄文烱與其孤守愚以銘乞予嗚呼孝烱以醇
懿敦默之資而遇人甚謹雖羣聚嘲譁竟日而
孝烱獨含胡不聞發一語與孝烱遊者莫不愛
敬之及聞訃莫不痛悼之而獨以銘屬余余其
可辭也予嘗以為士不能有所發明功名于當

世則務存乎其言故身死而行事不得與之變
然非積累有成學與得所因附亦何能自致于
遠也每覽書傳所載其事若此類者多矣而未
必皆若吾孝妣之賢也今孝妣既困阨且夭又
不幸而不得其人以傳則吾之知孝妣者自吾
而止矣嗚呼吾誠悲孝妣之無稱焉以自慙也
銘曰世通通壽頑齡子搏搏夫厥生衆孟晉賴
紛榮子獨鬱意不盈羗邁愍含泐清罔攸憑殯
鴻名經日月迫西傾篤繁祉後後成

故處士程汝義妻汪孺人墓誌銘

孺人姓汪氏休寧汭川人也父處士諱尚誼母
查氏孺人爲處士次女適同里程汝義生子男
二長曰善定初娶商山吳氏淨之女繼娶大宅
陳氏鈿之女次曰善夫未娶而夭孫男一曰起
家娶五城黃氏漳之女孫女四孺人端敏柔淑
克閑四教而又詳於女紅夙標令問始卽爲婦
而姑金安人已卽世恨不及養乃并力中饋晨
昏必求腍味以奉其舅氏備孝敬之道舅繼室

汪氏持家急諸婦頗嚴事之不敢近獨孺人愈
昵事之甚謹異其悔悟後汪氏果自慚悔以孺
人為賢孺人睦娣姒亦靡不盡其誠愛由是一
室嘻嘻如居父母家時也舅嘗以舊廬湫隘欲
旁拓之而僦役喧繁一時止與治辦孺人以介
婦輒身先井臼給食而事卒以倚辦舅既家居
令其子行賈取什一之息汝義行賈歸必悉致
其息於家不以毫毛自私篋中蕭然如未嘗賈
孺人益為纖黻脫簪珥佐之終亦不私一錢人

咸謂汝義之行義多孺人助成之也亡何而汝
義客死嘉定孺人聞之每至痛絕以死自誓時
二子尚在髫髻親舊相為勸沮孺人乃為損衰
抑志日夜盡瘁營克其家長養訓成其子家浸
殷郁踰於汝義時而又能周亟恤孤推賢中外
之黨于時乙子更行實而善夫仍客死善定吳
氏婦又死孺人哀慟邑邑成噎幾十六年善定
編求巫醫不能療陳氏婦乃為禱神剗股肉作
糜粥以進孺人食而甘之疾亦良愈已乃命善

定曰汝生產積著俱在崑山豈可患委它人其
往視之既而善定至崑山患危疾孺人疾亦亟
動竟不起是歲為萬曆四年丙子八月廿九日
也享年五十有九善定卜以萬曆己卯年二月初
四日塋孺人于古塘山之陽而以汪君禹父
狀來乞銘余惟善定生平痛父之早世今又以
疾淹異縣恨不獲親母氏之含歛無以致哀其
親謂非墓銘則貞淑之操無以昭著於後且謂
非余無以忠具其事余既嘉孺人之賢而善定

孝之薦又如此其昌能辭輒為之銘其墓石銘
曰 於惟孺人天茂淑姿爰丁鞠幽矢志不移
為婦而貞為母而慈中外肅穆允式其儀宜享
萬年奄然以歸哀哀孝嗣罔致其悲後後之知
刻此銘辭

吳孺人權厝誌

孺人諱金玉姓吳氏休寧商山人父諱寧妣程
氏孺人自笄性姿端敏初舅氏程公汝義為其
子于行擇配妥禽焉既而汝義客游嘉定值島

賊劫掠園中得疾死遂旅孺人時尚髫鬢聞
之輒中夜飲泣悲傷竟患臍空不能有瘳比歸
程氏亡何而姑又痛其少子夭折病膈噎加甚
孺人日侍側扶携進湯藥為寬言慰解嘗念言
觀音大士能拯拔諸苦時為虔禮求代而膝至
皆繭起無情容積數年而姑病良愈人咸以為
孺人孝誠所感以至至中饋睦外姻致勤盡敬
並有儀法然生男多不育唯生一子遂為子行
買妾而身竟以隨產死是歲隆慶三年八月廿

小日也。享年三十有一子男一起家娶五城黃氏漳之女。女三許璫源吳昇潮五城黃惟兆其一尚多子行以孺人卒之後三年春
自權厝于鳳林之原將更卜良壤以葬持其狀乞志夫女子事尊嫜而能隆孝敬之實待妾媵而不蓄嫌嫉之私雖古女史所誠無以有加而孺人之賢於是為至乃不克永其年悲夫聊為志其大者于石。韓曰行之淵子而命不淵天之常厥德予不常者為酷獨罹此酷而長冥子何九

陽之不燭昭昭者唯銘辭兮予以志夫陵谷

三兄階甫埋石志

君諱允升字階甫踈達有才臨事能隨口辨折
年四十為諸生家貧不得意益負氣不肯屈人
乃求事可以見功業取名聲於時者以為吳非
有南金象齒寶玉丹砂之饒而獨藉於田農田
農之務莫急於水利熙水利不修歲遭旱潦百
姓荐饑常賦不登

朝廷時有膏肓之憂故因刺直單諤諸子水利

書條其可施於今者上御史呂公洵呂公大悅
檄州縣齎糧令得浮遊五湖間相水利害之辨
由仍令與海虞鄧公等撰水利圖考頗以工費
浩煩宰相又厭言災荒卒不果行後數年海壩
盜起乃復言謹斥堠及練兵錢穀之法數十事
太守王公通行與語合延為上客因留館郡東
南佛寺中時步入府議事稍不合輒為危言撼
之諸生時有在坐上者皆為屏息而王公益加
禮厚居數月嘗苦瘡滿病甚王公為訪疾寺中

復遺以金歛歔不能去比歸數日竟不起是歲
嘉靖四十九年四月十二日也享年五十有四
王公行縣親拜其喪為文祭之言士徒以無用
之文希取世資至於臨事則錯愕不知所出曷
若吾子通明權略研窮當世之務論事成敗得
失即衍稷下諸生何以加焉而竟淝、困於繩
臺以死豈非命耶痛哉生平所著復有時政十
議蕪湖志蠓磯山志若干卷並傳於世初孺人
顧氏福建漳州照磨鼎之女子男一人歿歔武

科舉人娶周氏女三人繼孺人周氏女一人孫
男二人溫舒仲舒女二人大猷卜以隆慶元年
九月十九日葬君於夾潮塘先廷尉府君之墓
俞氏之族不著顯府君又蚤世而君與弟允文
允濟皆少誓以翼相覆掩庶幾終自振拔未白
首而復相失誠有罔極之痛不能文故特叙其
行事與死之月日而志諸石

三弟季通墓誌

季通余弟也名允濟一字楫甫先廷尉府君早

世余兄弟三人季通最少鮮師友之訓性穎敏
獨好書籍架上嘗疊數千卷尤喜莊周韓非司
馬遷淮南八公之書纂其玄言而誦習之以爲
文然率與時齟齬年至五十每歎無所見於世
思欲托事以立名節在諸生中有屈者輒徃直
之語人曰即死後世亦知吾能以義自累其生
者也爲人負幹局能燕他人之事所有先人
敝廬傾阬不蔽風雨遂劬力經營二十年一旦
翕起新之以易常觀棖棟連列軒櫺通明可晏

坐焚香而游娛其中余因名之曰清晏之室而
季通於此終不敢少自休暇以為生則營之死
則休之天之道也知者咸謂其才見用宜大有
益於世而竟不得用故居常多邑々恨其時之
不逢也隆慶二年七月二十日病下痢純血死
享年五十有二妻周氏大理寺寺丞鳳鳴之女
南京刑部尚書太子少保康僖倫之孫自幼奇
警明慧知書大略雖族貴隆赫而為婦恭慎侍
先妣黃夫人疾甚謹娣姒同居能先意通緩急

無驕盈之習絕嫌間之言毋顧宜人家居蕭索
諮決其女計事成敗識大體類非女子所能嘉
靖四十年六月三十日先七年卒享年四十有
二子男一伯良娶陳氏行都司經歷陳簡之女
女五壻朱世節縣學生縣學生秉僖之子王純
府學生温州府推官一誠之子王協貞南京刑
部主事執禮之子支如雷縣學生三錫之子顧
震嘉太學生咸康之子伯良卜以隆慶三年十
月十五日奉季通之喪葬於夾潮塘有字圩之

先塋以周氏耕焉嗚呼俞氏門緒不昌久矣季
通忽先予而死其婦賢亦既夭折死伯良孤苦
孱弱甫有室而諸女皆髻髻線斬適人余又哀
夕淪漂骨肉遼索生民之艱殆極於此既葬之
三月丘墓草生時日滋遠伯良將懼名字湮滅
悽愴興懷請余叙其行事刻石而埋諸冢側以
示永久是爲誌

仲蔚先生集卷之十四

吳郡俞允文著

墓表

故處士朱君墓表

公諱佑字思順姓朱氏崑山人年六十有九嘉
靖十八年九月一日卒以某年月日塋于縣東
北夫字圩中樂涇東原先人之墓域左然其墓
位以旗塋冢累累不能容故別為墓以塋君塋
後數年其孫熙洽謀立石表於墓而以狀來請

書君之出與其德曰曾祖諱某祖諱永父諱凱
君沉粹而敏學家頗多藏書籍然遇火君獨聚
其遺書籍讀之至老不廢通戴氏記諸書尤精
朱子小學以其言為師楷教授子弟平生好賙
人之急而室怙如懸罄與人必擇而後交不利
削責人人有爭訟者每待君而解用是里中以
長者聞而君絕不求聞於人晚歲惟喜種菊花
開時輒召儔侶飲花下意徜徉甚自得也君娶
吳氏賢有儀法而以營勸勤治其家年六十有

三嘉靖十三年十一月廿四日先姑卒權厝墓側速君塋以二十一年月日始遷祔焉生子男四人惟新 女一人孫男一人女一人曾

孫男 人女 人夫朱氏其先世自曾祖而下皆有隱行以至君之賢宜顯幽而不揚今熙洽於諸孫最長穎然負才彥明經能爲偉文辭取聲將日昌其家又豈非積德之所著歟因系其文曰朱氏五世善損益惠惠悃悃德惟君君之嬉娛保和淳蓄幽其光燾祉芬延垂子孫以家

成蕉蓑致勤獲豐殷
函土敵衍室新榮松
柏鬱茂爛滋榮刺文
表之永攸寧